




DeWit & VanDorp Stores



Merry Christmas



"Spiel di mi Alma" ta mi segundo buki di poesia, pero prome na Papiamento. E prome buki, "Beyond Insanity," ta na Ingles y mi a publica esaki na 2005 (cover attached). E titulo "Spiel di mi Alma" mi a ricibi for di Padu "del Caribe" Lampe. Durante un di mi presentacionnan di Beyond Insanity, Padu, despues di a skucha algun di mi poesianan na papiamento, a aserca mi y duna mi e titulo pa si acaso un dia mi publica na papiamento. E buki ta consisti di 21 poesia, un introduccion y un clausura. Tur poesia ta acompaña pa un ilustracion. 6 artista hoben a ilustra 3 poesia. Ami tambe a ilustra 3. E artistanan ta: Eva Maria Herde y Jermin Bell for di Aruba, Chandni Dwarkasing y Hemayel Martina for di Curacao y Laura de Vogel & Robin de Vogel di Hulanda.

Mi a dedica e tomo aki na mi defunto welonan como cu mi a ricibi hopi inspiracion for di nan. Pa un impresion di e contenido di e buki check e video nan aki:

Introduccion Spiel di mi Alma:

<http://www.youtube.com/watch?v=iURN4xqDfe8>

Compronde mi Rubiano:

<http://www.youtube.com/watch?v=7xUydqauXUo&feature=related>

Dicidi:

<http://www.youtube.com/watch?v=VQIFcaCcQ00&feature=fvww>

Bo reflexion den un otro dimension:

<http://www.youtube.com/watch?v=QOhGqo3cHTs&feature=related>

Spiel di mi alma ta Rosabelle Illis su prome tomo di poesia skirbi na Papiamento. Despues di a publica su prome buki titular "Beyond Insanity" na 2005, Rosabelle a wordo invita pa skirbi y presenta poemanan na varios eventonan cultural na Aruba. Asina a nace obranan manera "Comprondemi mi Rubiano" y "Dicidi". Segun su coleccion di poesia na Papiamento a crece, Rosabelle a cuminsa forma "Spiel di mi alma".

Actualmente, Rosabelle ta estudiante de psicologia na Hulanda. Acerca di psicologia, Rosabelle ta dedica su tempo na literature cu su "minor" den Ingles, cual ta inclui cursonan manera "Creative writing:Fiction". Esaki a pone cu Rosabelle awor ta moviendo den direccion di proza.

"Rosabelle ta un poeta Arubiana, kende cu su poemanan y na un manera teatral ta surpasa tur frontera. Haciendo uzo di un Lyrica registrativo den e tomo aki, e ta pone un spiel dilanti e individuo, e institutonan den nos comunidad y e sociedad" - **Quito Nicolaas, Caribe Magazine**

Rosabelle Illis lo ta na Van Dorp Book & Office Dakota, Diahuebs dia 23 di December, di 3.00 p.m - 5.00 p.m., pa introduci su buki nobo "Spiel di mi alma" y firma esaki pa esnan interesa.

Compronde mi Rubiano

Compronde mi Rubiano
e ta e unico cos cu bo tin.
Dia cu bo a nace
tera no a compronde bo
bida a sostene bo
pero aire a traiciona bo
lama a supuestamente floria bo
y santo no a logra haci bo sano.
Compronde mi Rubiano
e ta e unico cos cu bo tin
el a wordo manda, wordo parti den dos
cu un cerebro minimo
sin conoce su uno
el a bira sordo.
El a sapatia,
desembarca,
wordo renombra
pa consulta cu e unico cu sa ken e ta pretende di ta.
Compronde mi Rubiano
ta e ternura di palabranan cu bo nunca no a conoce
Di oro bo a nace
pero di piedra leve bo ta biba
y aire...?
compronde mi Rubiano

Forward email

✉ SafeUnsubscribe®

This email was sent to g.jie-sam-foek@bibliotecanacional.aw by
nico.luydens@dewitvandorp.com.

[Update Profile/Email Address](#) | Instant removal with [SafeUnsubscribe™](#) | [Privacy Policy](#).

Email Marketing by



De Wit & Van Dorp | Avenida Don Milio Croes 77 | Oranjestad | Aruba